



秋旻集目錄

卷之七

奉送溫陵老師予告斬歸四首

賦得陰陰夏木嘯黃鵠

韻

送陸仲鳴南還二首

送劉青岳太史奉使朝鮮三首

上元後二日同鄧觀察遠遊楊水部魯源

陳太史居一集戚不磷齋頭限移字

六韻

諸館丈用四支六魚韻訊武雙年兄病僕
倚和焉韻各二首同若僕賦

送姜居之年兄還豫章

送成給諫玄岳 冊封周藩

送姚岱芝京兆奉 使謁告泰山孔林

送王純甫抗疏左遷南還二首

送齊越石出守紹興與丘毛伯周季侯二

侍御同賦二首

送劉季龍還蜀二首

重遊李戚畹海淀園亭

謁 景皇帝陵

玉泉山二首

臥佛寺

咏娑羅樹二首

由臥佛寺而上亂石飛泉淙淙相戛循崖
里許始窮其勝壘成二首

西山道中聞鶯四首

碧雲寺

香山寺

來青軒

洪光寺禮佛

延壽菴松三首

中峯

弘教寺

功德廢寺

咏萬壽寺鐘

出都門示同館諸兄二首

津門飲李中丞懋明席上有贈二首

途中逢

光廟大祥敬賦一律以志感愴

雨二首

夕照

九日憶家山用子美藍田韻

蘇長公云人生惟寒食重陽不可虛度自
已未至辛酉客中三遇重陽皆虛度也負
此良辰追思惋悵因以長公語作起韻疊
成三首

范銓部質公從將陵二十里逆余舟次留
飲別墅賦此言謝

過德州贈謝使君洪伯

秋旻集卷之七

吳郡姚希孟孟長甫著

奉送溫陵老師予告暫歸

時甌卜之
命未下

欲借擎天作棟隆豈堪歸計任飄蓬
摧殘鳳翮驚巢閣誣啄蛾眉妬入宮
台近紫微終嚮北
留赤舄暫居東
紛紜世事何須問
一笑當年悵
失弓其一

茫茫原陸駭生波
遂掛朝簪製芰荷
賸有圖書

千卷在蕭然。囊篋半肩多。平泉莊下尋鷗伴。獨
樂園中任雀羅。誰向虞淵夾舜日。莫教揮棄魯
陽戈。其二

公車何日不紛馳。從此長安似奕棋。局外高談
條戰守。穴中確鬪定雄雌。誰將國計留黃髮。翻
借人言表素絲。帝簡豈因三至奪。姓名久已

貯琉璃。

其三

桃李紛飛舞。載陽天公偏借蕙蘭芳。感深次骨

珠成淚。恨到填膺。劒有霜。堪嘆飄風。搖地軸。更
悲落日。照河梁。遙知此別。經年事。丹鳳啣書下

建章。

其四

賦得陰陰夏木轉黃鸝

美蔭鬱蒼涼。微風逗羽商。枝頭翻舊曲。葉底按
新簧。似報庭陰轉。還驚午夢長。嬌啼人不見。腸
斷濕流黃。

送陸仲鳴南還二首

百丈緇塵內清風任往還。士龍方入洛。魯望又棲山。巷轍紛朱履。梁塵拂翠鬟。莫言叢桂好。終共素娥攀。

其一

迴首當年事。踈狂屬亂髻。雪消鴻爪盡。風急鴈行彫。北海忘年在。西州別路遙。有懷頻拭淚。不獨爲攀條。

其二

送劉青岳太史奉使朝鮮

使星東去掛牙檣。指顧天吳水不揚。蒼海連雲

分湛露。碧蹄春草共含香。詞臣橐有相如檄。歸客囊無陸賈裝。若說中華兩朝事。虞淵落日又扶桑。

其一

東方蠹爾未殲除。野哭遙聞禾黍墟。犄角未能成捕鹿。瘡痍寧可怨池魚。八年樂浪沙塲骨。三道王京血戰書。迴問當時平秀吉。援兵不出待何如。

其二

箕子流風千百年。訪疇有使筆如椽。郊迎華語

通經語雅奏賓筵。卽禮筵狼尾吐毫疑。鐵畫桑
花着墨勝瑤箋。採將國俗成軺史。更獻皇靈第
一篇。其三

上元後二日同鄧觀察遠遊楊水部魯源
陳太史居一集戚不磷齋頭限移字六韻
孤館成高會。新歡與舊知。蘭芬驚入座。玉屑喜
論詩。火樹春城散。天街月色移。殘燈供佛榻。丈
室鬪玄匙。鄉思梅花夢。年芳栢子卮。相逢莫厭

醉。只恐易分離。

諸館丈用四支六魚韻。訊武雙年兄病僕
倚和焉韻各二首。同若樸賦。

緣何經歲強支離。爲有雄才獨擅奇。擁被百函
裁報牘。倚床千首鬪新詩。方書肘後堆吟案。藥
椀爐中伴酒卮。君是文人文療疾。枚生七發孔
璋辭。其一

維摩不二是良醫。說法飛花散玉墀。一自髮僧

支病骨肯教天女盡愁眉。風搖佩冷窻前見夢

斷參橫枕畔知。應笑小蠻楊柳嫩。好隨三月鬪

腰枝。

武雙新得姬人猶別室而居其二右四支

作賦才名竝子虛。更憐多病類相如。秋風掃院

頻高枕。春日烘窻獨著書。曉曉鶯聲疑索伴。差

池燕羽嘆離居。柳堤花陌郊原外。誰解金龜醉

玉湄。

其一

廣陵八月嘆歸與。濤送江聲繞故閭。廿四橋邊

香度曲。無雙花下錦藏車。祇今蕙帳驚巢鶴。豈

羨金門賜佩魚。扶病倚闌腰帶損。閑情終是愛

吾廬。

武雙病中每動歸興致及之其二右六燕

送姜居之年兄還豫章

未到秋風失鴈行。豈堪頻日對離觴。君為歸客

關情少。我作羈人別恨長。鐵柱留題增氣色。珠

簾高會動文章。祇嫌忘却金門隱。便有移書至

草堂

送成給諫玄岳 冊封周藩

新王喜見節旌來
簫管聲從故苑回
一自銀潢分汴水
幾將茅社築繁臺
紫泥宣綽星辰捧
青瑣乘輅帶礪開
更訪夷門舊時事
莫教遺佚阻蒿萊

送姚岱芝京兆奉使謁告泰山孔林

漢庭張敞去神州
望秩東巡代冕旒
金篋壇前青帝近
玉書壁內素王留
漫勞使者探麟塚

可有先生帶鹿裘
魯檜秦松君記取
萬年楨幹正須求

送王純甫抗疏左遷南還二首

凍雨淒風滿帝城
啼鳴悲咽送南征
一封誓掃滌龍窟
九闕爭傳仗馬聲
蹙喜烽煙隨路杳
轉憐山色傍花明
折腰莫問塵途事
蕭瑟依然未

可輕 其一

閑披往事說維桑
矯矯名臣幾擅場
白簡空飛

聊補牘青蒲曾伏漫隨行而今狨獮憑狐鼠況
有鷹鷂逐鳳凰三月升朝三疏草不妨焚卻上
書囊 其二

送齊越石出守紹興與丘毛伯周季侯二
侍御同賦

萬壑爭流處溪山屬剡東扁舟猶雪夜五馬况
春風官舍朝嵐內人烟夕照中不知何刺史長
坐翠微宮 其一

六代風流地偏於此郡多登臨誠快事撫字奈
愁何關塞烽難息樓船海欲波好將憂國淚隔
水問曹娥 其二

送劉季龍還蜀

時正有藺
首之亂

行矣正秋清秋風斷雁聲旅憂鄉井破客夢鼓
桴驚別去蓮垂粉歸來菊滿英慙慙問天意或
已厭佳兵 其一

若論憂時淚相看濕布袍祇因聯玉署不復問

金韜君自題橋柱，余將理桔槔。揮鞭無限意，握手贈虔刀。其二

重遊李成畹海淀園亭

名園曾約許重來，惆悵春殘錦繡堆。碧水遠連新柳暗，青山遙向晚花開。可憐香逕埋金谷，猶有雕闌護玉臺。芒屨擬探雲岫去，先從此地洗塵埃。

謁

景皇帝陵

從此至功德寺皆西山道中

低迴往事未堪論，誰抱遺弓泣紫宸。遙望

裕陵今夜月可憐。

邨邨故園春，汾陽老將黃

沙苦定國尚書碧血新。陟降在天應不遠，蕭蕭松栢臥麒麟。

玉泉山二首

豈是金天路何來，玉女盆壺中涵月魄。澗底濯雲根影落，千山濕聲留萬壑。屯結跏成水觀凝，碧照乾坤其一

欲覽千尋瀑兼思九曲山臨流增悵結聊復弄
潺湲水苻誰牽繫遊魚任往還此生濠濮興寧
俟鏡中斑 其二

臥佛寺

山中雙樹古勝地得清涼丹闕移天際青林隔
帝鄉松紋翻細籟鶯譜逗新簧此外聲何有飛
泉挂上方

咏娑羅樹

古言娑羅樹枝上無凡鳥所以密蔭中鶯聲獨
繚繞 其一

物以僅見珍茲樹亦復爾不愛琪樹名愛此濃
陰美 其二

由臥佛寺而上亂石飛泉淙淙相戛循崖
里許始窮其勝疊成二首

誰將石齒齒漱出玉潺湲亂瀉松濤急分敲竹
韻閒雪深漸靜夜月落響空山一枕尤堪夢飛

和身集
瓊接佩環

其一

泉流靜若止未得響潼潼忽掛銀河水飛來石
罅中崩岨驚碎玉絕壑聆孤桐點綴溪光好山
花亂吐紅

其二

西山道中聞鶯四首

間關百轉啼人腸何事相商話轉長應是柳搖
眠未穩好携佳伴過東牆

其一

紅雨紛飛變綠天好音常在画欄前自從京洛

喧車馬聲斷嬌歌又一年

其二

與爾高棲共上林又來山徑伴微吟暫留此處
依嘉樹我到烟巒第幾岑

其三

斗酒雙柑坐惠風忽聞睨睨度芳叢斷魂何處
傳心事似在花陰笑語中

其四

碧雲寺

琳宮愁煥麗恐類帝王家一自承黃屋常疑倚
翠華泉留雜珮響竹借上林芽

宸翰山靈護還宜纂絳紗

有御書留題

香山寺

深山宜古寺策杖自沉吟欲帶秋蕭瑟全憑樹

鬱森空嵐浮黛色踈嶂度清音獨有茲峰翠悠

然愜帝心

世廟遊西山言香山獨有翠色

來青軒

御書署額

虛檻翠微顛諸峰斷復聯圍成螺髻頂散作鬱

藍天葱蘢山藏骨空濛樹拂烟品題入聖藻

青色自年年

洪光寺禮佛

本是維摩室化作毘盧臧空色互莊嚴明月青

天上

延壽菴松

虬松若偃蓋何如千尺長清暉颺旭日况當明

月光

其一

一幹分數株株株拂天漢天矯蒼龍精泥蟠猶

未散 其二

此地多奇松吾欲作松譜
蠹直與糾繆風霜歲

月古 其三

中峰

目境覽易窮行行陟危磴
未可號探奇聊復誇

濟勝

弘教寺

殘碑讀罷遶迴廊荒寺
無人解送將獨有清陰

知客至掃除牆角坐蒼涼

功德廢寺

宸輿頻駐梵王宮此日
蕭蕭滿院風苔繡幾層

荒殿冷碧流空向 帝城東

咏萬壽寺鐘

靈鐘高掛鎮閭浮萬壑
松聲一擊收電逐轟雷
出鷲嶺月移潮汐過龍
湫天花散落三禪窟
法雨分飛四部洲共道

文皇功德遠轉輪常在護金甌

出都門示同館諸兄二首

以下壬戌南還

問余何故滯京華幾度春風嘆落花把酒難逢
知己醉論文只恐座中譁每因客散低殘月又
向朝班拂曙霞碌碌不堪迴首事可憐蓬禁說

仙家

其一

終朝稀客似深村閉戶修書也自尊夜映藜光
翻玉府曉簪彤筆上金門退朝結伴尋春社出

郭携琴共酒罇此是詞臣真勝事於今寂莫未

堪論

其二

津門飲李中丞懋明席上有贈二首

擊楫相逢共黯然舟師何日泛樓船金風消息
關城急石碣功名幕府懸萬里虎頭驅鄣部一
聲鶴唳走符堅籌邊樓望長安近不似文饒在

兩川

其一

草劔軍容列嶼厓看君鐔壘似臨淮秘書堪把

龍韜試羽扇初揮鶴陣排靜夜海風喧古戍高
秋邊月映空齋此時正上金城疏拜手封題淚
滿懷 其二

途中逢

光廟大祥敬賦一律以志感愴

曾從 臨御識

天顏想到於今淚欲潛一度 袞旒宣 鳳詔

兩番直經對鴛班愁雲遙掩初升日慘霧斜籠

乍吐山漫說短長何足信周公無逸也應刪

雨

不辨迷離樹猶疑駿隼雲鷺飛空漠漠鷗散只
紛紛海氣侵書幌天風簇浪紋蓬窻無一事沉

水博山焚 其一

雪月人多癖偏余愛雨天端居稀剝喙客路遶
雲烟展盡林嵐濕移帆景樹鮮泛家何處好宜
在五湖邊 其二

夕照

推窻又夕陽鏡裏看鳴榔遠樹搖晴色明霞弄
水光氣吞洲渚白影落海天黃一幅滄江畫偏
宜着野航

九日憶家山用子美藍田韻

遙望家山客路寬偶逢佳節憶清歡歌喉半吐
松間月舞袖翻欹李下冠香徑坐來烟霧濕蘭
橈歸去綺羅寒吳門足練今何處便欲登高不

忍看

蘇長公云人生惟寒食重陽不可虛度自己
未至辛酉客中三遇重陽皆虛度也負此良
辰追思惋悵因以長公語作起韻疊成三首
辛酉重陽與君亮太淳文度諸社兄小飲
三兄皆下第後也別後龍友若樸二館兄
來龍友將以 冊封歸矣是日欲登顯靈
宮高閣大風不果

莫教虛度是重陽此歲重陽客話長同里故人
傷寂莫館中兄弟說行藏日斜漸見黃雲滿風
急先愁紫塞忙我欲登臨勸遊興恐攀傑閣望
家鄉 其一

庚申重陽時

光廟新喪朝臨未輟是日孫恭甫比部金元甫
館兄見過卽別去

莫教虛度是重陽此歲重陽倍黯傷
澹草悽

蛩淅瀝露零花泣鴈低昂湘江南狩悲

明主義馭東昇捧

嗣皇相對淚痕難拭盡可

堪聯騎醉風光

其二

已未重陽同郡宴萬使君歸而讀趙文肅

公集見橫出三界豎出三界之旨愼然有

省

莫教虛度是重陽此歲重陽漫舉觴傀儡非真
真亦假酒杯不醉醉難狂歸來半卷留殘燭悟

徹三生了十方從此人間任遊戲茱萸堪笑費

長房

其三

范銓部質公從將陵二十里逆余舟次留

飲別墅賦此言謝

昔從都會共盤桓千里相逢一笑看君似碧天
分氣色余同孤月抱清寒梅花信斷燕雲外竹
葉樽浮潞水灘匹馬遠追良有意無絃今夕爲
君彈

過德州贈謝使君洪伯

羨君名士守名邦五馬門前樹戟幢
新買犢花村深吠小鈴
雨朱欄客盡艤金鼓不喧高臥穩
無雙

過清源慰胡超凡館兄兼懷楊龍光二首

蕭條原上草濡露又霜零君自傷
鵲鴝道孤雙眼白客散一燈青
滿院增時彥追

隨望典刑

其一

當年奉壇坫雄長屬全齊
河抱淄澠合雲連
泰岱栖朔風吹鴈斷
遠樹隔鶯啼
入奏靈光賦
雙引杖藜

其二

夜夢一老鶴棲高樹巔
爲人鍛其羽項之
化作老翁皓髮厖眉
籜冠鶴氅居然有道
風骨此與東坡赤壁事
相類但東坡則由
境入夢余渾是一夢耳
覺而賦之得六言

四絕

青松巢月孤客白髮臨風
老翁妬殺峰前化鶴
空懷天際冥鴻

其一

鳴埴愁聞唧唧彈牙聲
振刁刁縱似仙禽胎化
何如雪女逍遙

其二

幻出非真非假覺來還信
還迷蝴蝶南華俱夢
杜鵑西蜀空啼

其三

朝拜唐人祠廟夜作蘇公臥遊
洵是赤壁江下

還疑黃鶴磯頭

是日遊子美南池登太白樓其四

行次濟上因徐方有警躑躅不前右司空

陳公檄材官送至河湄賦謝

宣房茲日喜安瀾獨有萑苻嘯野干水作殷紅
腥雨漲山浮空翠陣雲盤玄圭已授馮夷簡白
羽誰登漢將壇且借長風客夢穩板輿歸去又
成潘

夜坐南旺舟中聽上流水聲二首

靜夜忽喧雷驚濤何處催千山秋雨過萬樹朔
風來豈是龜鼉鬪只疑鴻雁哀坐清還入夢飛
瀑向天台 其一

每懷泉竇響客路澹無聲此夜孤帆宿緣何衆
壑驚鏗轟連戍鼓清沸入茶鐺獨有潢池內時
聞嗚咽鳴 時亮東未平其二

至淮陰謁韓侯祠二首

低回往事嘆弓藏百戰何曾宴未央謀定祇增

白帝泣功成不到赤松鄉漢家誰授金湯固噲
等偏容帶礪長淮水古今幽恨咽獨留荒廟對

斜陽

其一

若將名將定雌雄不讓鷹揚渭水公拔旆影搖
山岳振囊沙謀奪鬼神工孫吳未許摩堅壘李
郭終須拜下風禍福總緣蕭相國鐘聲長樂報

庸功

其二

倪允昌館兄歸後有詩見憶今到廣陵奉

酬二首

四載同君伴寂寥燃藜燈火共相要深盃落月
浮清暑綵筆飛花點絳綃臥病有人頻叩閣芳
遊何日不聯鑣別來夢斷君何處髣髴橋邊弄

玉簫

其一

香浮官閣鬧蜂衙又見無雙滿院花君到蕪城
多錦瑟誰堪燕市老悲笳潘輿歸路經千里萊
綵登堂似一家握手相逢還恨別淼茫天際望

秋旻集 其二

秋旻集

卷之七終

秋旻集目錄

卷之八

余素不喜作除夕元旦詩詞客有以詩索
賡者率爾效顰

拜張都諫可菴先生祠

贈都諫子薛昌

送王純甫侍御被 召還朝

九月十三夜同歸文休陳古白顧九疇諸

子虎丘坐月分得三江限十韻

追弔姜仲文先生志感四首

追弔于中甫先生志感二首

丁伯勉奉諱後薄遊吳門贈別各一首

觀春卽事

送陳古白赴大梁靳中丞約四首

何穉孝先生 予告暫歸遊岱而還道出

吳門不遑信宿詩以送之并示孝廉舅悌

二首

清江送兩兒南還舟中感懷

九日黃河舟中用子美藍田韻

黃河泊舟與練任鴻侍御隔河相望以書

見訊賦此代答

重贈練侍御時侍御督漕河上

舟中對月

扁舟北上自秋徂冬駭絕者二黃河之逆

流也濟上之夜擊也悶絕者二漕河之淺
滯也衛河之阻凍也然芥子為舟詎分夷
險浮漚作津何關通塞間雲任其出沒鷗
鳥久絕驚疑余但見其為適也不知其為
賊也悶也作紀行四律欲倣李義山然不
能盡肖也

若樸以盆中梅花見贈喜而有作并以為
謝四首

乙丑關中和韻題畫屏八絕句

梅花襍詠四首
各有序

目次

目次

畢

秋旻集卷之八

吳郡姚希孟孟長甫著

余素不喜作除夕元旦詩詞客有以詩索
賡者率爾效顰

銷盡年華臘已更漁陽何日得銷兵斗杓欲轉
旄頭落泰運新開 帝座明珂笮遊魂先奏凱
鬼方餘孽漸歸耕明朝點檢春遊事先酌椒觴
頌太平

右壬戌除夕

朝來綺陌轉韶光遂有春風入畫廊梅信已分
積霰白柳條欲破凍雲黃携來藜火吹東鐸遙
祝奠堦上北堂暫乞閒身今歲好手提鉛槧又
詩囊

右癸亥元旦

拜張都諫可菴先生祠

整衣褒拜仰高山屈指名流第一班攀栢夜臺

魂漠漠伏蒲朝奏淚潛潛豈緣白社曾開徑每
勅清風早閉關瞻嘆九京獨隨會辦香通處望
廉頑

贈都諫子薛昌

天道猶弓虧復盈每逢詰嗣振家聲如君忠孝
稱良冶不獨詩書代滿籬秋到宛駒雙耳峻春
來丹鷲九苞成他年堂構于公貴旋馬門庭未
許更

送王純甫侍御被 召還朝

此日趨朝萬目瞻批鱗御史口難箝已知白晝
雷霆霽况復清霄雨露霑澤畔幽蘭廿歲暮堦
前屈軼報春尖不須午夜頻焚草賈陸封章信
口占

九月十三夜同歸文休陳古白顧九疇諸
子虎丘坐月分得三江限十韻

千古清遊事吾儕未肯降此山喧沓後誰有足
音登陟磴驚棲鳥携筇吠小厖涼颼入夜獨月
影出林雙長嘯穿疎樾跣趺對石幢酒能通淨
理社可結蓮邦塲院深熒火僧寮靜掩窗廢興
徵徃牒絲竹按新腔坐久疑銀漢歸來倚畫艫
倘留逸興在崔李泛秋江

追弔姜仲文先生志感四首

有懷知己淚潛然意氣如公薄遠天千里緘書
青鳥訊五年入幕絳紗懸高軒問士同韓愈書

和身集
帶留庭媿鄭玄感悵西州舊時路可堪斜日照
牛眠 其一

豈有高山動伯牙薄蹠掌大便相誇西清識我
供起草南國愁君伴落花長笛暮吹悲廣柳酒
壚朝倚隔天涯羞言磨鏡當年事摘得江籬奏

楚些

其二

雪栢歸存一草堂尚留遺句韻清商逸才真可
肩王孟洒筆何妨半宋唐嘯味每從憂國誤風

流多爲感時傷幾翻樽酒論文夜指點吟壇未

肯忘

其三

一從抗疏解朝簪薜帶蓉裳共塵談賸有耆英
結社九偶同厨俊傍君三鬼車布地紛成幻蛇
影驚心夢未甘轉盼徵書堪穴賁獨憐憔悴殞

江潭

其四

追弔于中甫先生志感二首

賢豪誰復似于公長劒含光截業中赤膽可輸

憑俠氣寒鏗無迹帶宗風升朝往事同優鉢半
世論交似雪鴻寂莫荒臺森拱木吳門白馬繫

丹楓

其一

小友慙非禰正平祇憑一見効鳴嚶燈挑永夜
談逾淡酒到歡場坐屢并解得虔刀供斲玉手
將僑紵報投瓊此情千古難成負宿草原頭淚

可縈

其二

丁伯勉奉諱後薄遊吳門贈別各一首

客來白馬縞衣裳敝篋蒙茸鋏有霜峴首看碑

歌勿剪延陵題墓嘆云亡

時伯勉從長安乞葉少師墓文

墳麓

自管多同調絲竹何人到後堂欲問西州舊時
路不堪孤鴈獨迴翔

其一

當年文譽震詞壇擊筑高歌共夜闌幾度月明
懷故侶每逢春草憶清歡分飛漸覺相逢杳入
夢何妨行路難自媿繞朝無別贈一鞭落日淚
闌干

其二

觀春卽事

漫隨春事逐兒童。一度年光一笑中學語梨園。
爭按譜插花楮葉也成叢。吳儂終帶繁華氣守
令今多太古風。破臘喜看梅信早好留明月掛
墻東。

送陳古白赴大梁靳中丞約四首

遙憐一夜雨新水漲新愁何事孤蓬去非關五
岳遊故人能下榻作客且登樓佳句奚囊貯相

將共蒯緱

其一

途窮堪下淚畏友謝弓招贈縞惟子產投鞭遇
繞朝品題觴共咏臭味蒞同椒豈有攢眉事芝
眉未肯消

其二

當年鈴閣啓千里致元龍郵驛傳餐謹材官執
轡恭南陔依暮景西日怨朝春此際瞻雲處蕭
蕭礪底松

其三

雖擅登高賦嘗辭虛左延懷才孤自賞有骨挫

秘異集
逾堅飽去抽經笥。饑時糲硯田。肯從于頓問符

載買山錢

其四

何穉孝先生 予告暫歸遊岱而還道出

吳門不遑信宿詩以送之并示孝廉舅悌

紫氣飛來泰岱東。真人絳節擁青童。雲開漠漠

呈朝爽。荷已田田試晚風。閩海尚需丹荔熟。吳

宮堪戀綠陰叢。相逢莫負平原約。回首同遊似

轉蓬

其一

每從詩酒薦清歡。刻燭高吟共夜闌。小友頻呼

催授簡。主盟隻字已登壇。烟霞若領文章事。郊

廟誰將雅頌刊。詞賦有傳真驥子。蚤馳百軸到

長安

其二

清江送兩兒南還舟中感懷

非貪聚首學村家。忽到臨岐黯倍嗟。作賦豈能
逢楊意。傳經空自媿侯芭。爾憑陟岵雲生白。我
夢榮庭筆再花。有淚祇將萊綵拭。宣文此際正

乘槎

九日黃河舟中用子美藍田韻

共駭驚瀾祇自寬
中流蕭鼓佐清歡
帆開片片同魚麗
鏡有星星可鷓冠
紅葉江南秋未老
白茅河北水生寒
烟波迴首人千里
只許家山夢裡看

黃河泊舟與練任鴻侍御隔河相望以書

見訊賦此代答

與君相慕等椒蘭
邂逅新知似古歡
何事孤秋茲夜迥
祇緣隔水溯洄難
乘槎已近支機石
縮地終愁灩澦灘
明月邀人同過訪
可從魂夢話更闌

重贈練侍御時侍御督漕河上

牙史尊嚴令若雷
舳艫啣尾蔽天來
縱饒河伯迎舟舞
自有風師拍浪開
塞上近添戊巳尉
澤中亦抱癸庚哀
明年漕事如相問
請借監門繪

水災

舟行對月

孤鏡破天出，昱耀騰虛空。暝色忽漾白，霞暉欲斷紅。光寒疑帶雪，飛急又凌風。蒼莽渾無際，踈林墮水中。

扁舟北上自秋徂，冬駭絕者二黃河之逆流也。濟上之夜擊也。悶絕者二漕河之淺滯也。衛河之阻凍也。然芥子爲舟，詎分夷

險浮漚，作津何關通塞閒。雲任其出沒，鷗鳥久絕驚疑。余但見其爲適也，不知其爲駭也。悶也，作紀行四律，欲倣李義山然，不能盡肖也。

沸流

千里洪河似建瓴，風高擊水縱楊舲。權郎欲戰馮夷窟，殿脚遙凌織女星。落日吞潮驚掣電，遠帆舉火亂飛螢。險奇頗得文章趣，更有奔濤枕

上聽

淤淺

欲借孤蓬騁畫舸。迴檣不動待如何。沙紆曲。疑投轄。水望長堤似倒戈。風斷衡陽落鴈陣。月沉湘浦逝鯨波。一編秋水無餘事。把酒凭欄且嘯歌。

舟警

修途強半喜淹留。况有清源舊好儔。忽報兇鋒

疑索虜。轉聞名姓近黎丘。香臺碎。迸留殘卷繡。幙驚迴怯上鈎。堪笑兩舟敵國事。主人相對總

虛舟

掠舟人自稱周罔卿衡臺余晤衡臺喚述之留飲盡歡

冰堅

漫擬波光百疊平。誰知寒骨似堅城。鑿來雪嶽。謂芳沼。敲動瓊樓弄錦箏。定水枯禪雙寂照。凌波香襪兩輕盈。玻璃何必成千歲。夜半流蘇隔

水晶

千歲冰為玻璃

若樸以盆中梅花見贈喜而有作并以為

謝

暗香何自入空齋幸有同心慰旅懷試問紙窗
誰弄影月明仙史下天街

其一

江妃當日侍君王淺淡新粧學壽陽我若清平

重按譜祇將三弄寫霓裳

其二

儂家久住太湖干香雪飛英二月寒憶得春遊
醉花處欲招梁苑故人看

其三

春到長安未見花幾番幽恨訴侯芭一枝此日
携歸去便似孤山處士家

其四

乙丑闈中和韻題畫屏八絕句

三徑衡扉手自關倚梧東郭對青山獨憐大隱
金門客縱有蓬壺未許閒

其一

碧漣春水遶前村裴迪携筇夜叩門話到月明
人別後輞川摩詰自銷魂

其二

相看陌上柳絲長羅袖寒幃對豔陽滿眼風光

若樸以盆中梅花見贈喜而有作并以為

謝

暗香何自入空齋幸有同心慰旅懷試問紙窗

誰弄影月明仙史下天街

其一

江妃當日侍君王淺淡新粧學壽陽我若清平

重按譜祇將三弄寫霓裳

其二

儂家久住太湖干香雪飛英二月寒憶得春遊

醉花處欲招梁苑故人看

其三

春到長安未見花幾番幽恨訴侯芭一枝此日

携歸去便似孤山處士家

其四

乙丑闈中和韻題畫屏八絕句

三徑衡扉手自關倚梧東郭對青山獨憐大隱

金門客縱有蓬壺未許閒

其一

碧漣春水遶前村裴迪携筇夜叩門話到月明

人別後輞川摩詰自銷魂

其二

相看陌上柳絲長羅袖寒幃對豔陽滿眼風光

和身集
圖畫裏可無春色到詩囊

其三

數聲欸乃隔溪來玉洞朱陵次第開堪笑漁郎
仙骨少花源深處又重迴

其四

匡山飛瀑武夷灣何事丹梯未肯攀若把浮生
商去住萍蹤原傍鷺鷗閒

其五

朦朧月上嶺頭梅自向孤山寂寞開試問天香
誰第一可教携向廣寒來

其六

一自春來閉戶深更無遊賞到於今遙看畫裏

青帘下猶有飛花共酒斟

其七

小橋隔水石欄斜蘆荻溪邊三兩家紅葉漸飛
秋漸老藕花開到白蘋花

其八

梅花襍詠

各有序

美人之美有在瑩質肪肌外者韻態是也文
人之文有在瑰詞喬辯外者神采是也山有
山光水有水骨嵐翠交流湍紫欲立迫而索
之卒不可得花中之梅亦然其破冬而茁先

百卉而英清而不寒馥而不烈此皆索梅于
形骸之內者也冥冥靄靄非斷非連竝數株
而作嶂若一望而成阡疇日麗空忽似白雲
出嶠輕風扇景又如細雨含烟豈懊儂而旣
咽復訴抑畏人而張幄垂簾諦視烏有遙睇
依然是爲香霧惟梅有之此蕙蘭菡萏之所
不能並也况其它乎頌之以詩

迷離煙樹逗昏黃咫尺疎林遂渺茫共誇短娥
眉黛鎖豈知天女曼陀香小窗閉月埋幽徑步
障藏春隔畫廊此際含章人在否只愁零亂不
成粧

纔有梅花便不同此村究語耳牆角籬邊嶺
頭溪畔何處無月然不獨龍鱗虬榦與蟾光
掩映便成相遇也惟月在樹巔人在花下仰
而眺月入瑤房穿玉洞動溶搖曳如一素娥
化百千億身恍惚騰翥不容揣捉仄而捫樹

如纍纍摩尼珠與罽毼相錯栴檀繚繞成微
妙光明臺凡看花者正視之不足則言鏡中
或言水中鏡宜寫真水堪濯魄非空非相疑
有疑無幻矣妙矣然身豈能入鏡水又不能
涵身若夫老本踈枝正受月光籠罩杖藜席
艸又在花底徘徊重重互攝離離相帶此真
花中三昧遊不易遇遇又未易寫也余之沈
酣于梅久矣偶于慧文菴後大梅樹下對月

驀然遇之是丙寅二月初六也梅大如蓋古
枝四垂如瓔珞新月如鈎夫璧月正不如鈎
月之宜于梅惟可與知者道也摹之以詩

水晶宮裡現花神錯落明璫互遶身忽送微波
搖綺座轉開新鏡照香裯春歸圖畫竟猶斷夢
入簾櫳恨未真何事窺人頻有意一枝牽袖又
沾巾

余每到武林又嘗訊之嶺南諸公矣君復仙

遊孤山不免蕭寂師雄夢斷羅浮半屬榛萊
梅花之盛不得不推吳中而吳中又必以光
福諸山爲最若言其衍亘五六十里窈無窮
際猶兒童野老之見也梅花得山水而色揚
山又得水而神蕩天平一帶非不奇邃獨恨
無水光福諸山迺太湖雉堞也觀梅者輕舸
至館娃山下或紆迤從穹窿塢入或徑從青
芝山入皆盤折香林中轉入鄧尉梅愈繁愈

老波容水態愈露至銅井巔則峯聳最高處
而太湖幾收矣

獨兌隅爲西蹟所障不能目送頽陽爲恨

頽首引

睇萬塢皆梅屈曲低昂如重臺相接山腰以
下龍蓀離澌花氣上蒸坐久不知爲山也當
是香水海湧出峯堵波耳又從銅坑而上或
凹或凸陟一磴則足躡香塵降一坡則手提
華鬢時騰出花上又時竄入花底步步將迎
憐而復割然猶未奇也熨斗柄者水濱巨磯

大可數百弓散蒼旣窮渾茫若闢激盪洗洋
殆欲浮山而去此湖干絕勝處也面湖而人
立者皆礚研怪石踈踈行列借梅花作粉牆
狡獪乃爾而猶未奇也邈而西磧蜿蜒而盤
螭以一湖獻酬羣山而山姿屢換水面亦忽
忽改粧玦者以規講者以繖如屏罷張如鏡
啓匣自東徂西劃矣洞揭泔泔湯湯吐吞日
月震澤之靈鑄佩來謁山王林神左營右列
灑道清塵霏微香雪至鍊山而還觀梅者於
是觀止焉余屢探及之而大暢于癸亥之春
有小紀而未味也追之以詩

花中幽韻仗湖山恰似高人互往還欲借潺湲
洗粉白更留蒼翠點苔斑香光渡處開千頃樹
杪行來到幾灣遙計片雲常扃護年年清夢也
躋攀

余咏梅花不泛作所咏者含霧之梅映月之

梅與環山帶水之梅用補昔賢之缺語雖不
工亦庶幾抉擿刻削露其情狀矣昨歲風樹
堂成于西偏構一艸亭亭外植梅數十木以
其初蒔花不甚濃酣而枝頭錯落亦復亭亭
可賞若舍旃弗道何異逐歌舞之場而忘幽
閣前往西山見繁花爛漫風雨欲來念我籬
落間輒縈懷遶夢世間事不獨俗緣累人卽
清緣亦累人如此然余之卜築也雖墳艸旣

宿將菟裘于此焉考槃獨寤縞衣我員此數
十枝者正偕隱之侶也他年古榦扶疎枝頭
如雪效王恭鶴氅婆娑其間吾願畢矣盟之
以詩

不獨相依共歲寒也分三色薦清歡斜陽籬外
紛紈綺新月林中韻麝蘭繞樹恍成蝴蝶夢落
英飛去野鷗灘與君更結幽棲伴可少修篁數
百竿

卷之八終

秋旻集目錄

卷之九

門人張子襄不遠千餘里唁余墓次以詩

相慰賦此奉答

李生洲民部將行賦詩惜別奉酬一首

廬居述懷并示生洲

乙丑除夜廬居

卽事

八月九日因過橫金謁繼明二兄宿石湖
僧房追憶二十一年前此日亦以謁二兄
宿此余是年持大母服時序人事巧與相
符亦大異矣感而賦之

中秋夜至風樹堂哭先太君

贈寇禮亭郡侯考最二首

奉酬曾民部大雲見懷之作

送寇禮亭使君奔喪歸秦隴二首

歲暮得張子襄民部見懷之作用酬

二首

丙寅廬居度歲

申中丞敬中慰存荒廬有見懷之作倚韻
奉賡并以爲謝二首

咏楊妃山茶二首

送蒼雪上人還滇中

芟庭中秋色

籬間梅花半放風雨連朝迎寒復阻詩以

惱之

看雪中梅花賦得四首

同雪崖上人邵僧彌賦梅花分得十三元

七陽皆限險韻二首

留題包山寺

宿華山寺讀王文恪文待詔題名有感

題長壽寺修已房

宿天衣禪院二首

遊王尚壘遜志東園二首

遊王長公慶長賁園二首

陳古白往尉氏短律奉贈兼示感懷

送李孝廉長以北上

送王大美侍御還朝二首

送謝嘉定象山入覲

春夜信宿崑良宋君山莊秋來再過投贈
一首是歲值添籌之慶又聞老蚌生珠然

余不敢效俚語頌禱聊識其高情耳

目次

畢

秋旻集卷之九

吳郡姚希孟孟長甫著

門人張子襄不遠千餘里唁余墓次以詩
相慰賦此奉答

避世渾無計依依傷墓田
寒松翳白日衰柳罩
孤烟宿鳥遙爲伴殘燈黯自憐
素車千里客此
夜話窗前

李生洲民部將行賦詩惜別奉酬一首

幾番林木遇狂飈舊侶於今總寂寥幻迹有同
南北燕波心一任往來潮何年佳會通銀漢漫
說音書付玉簫搔首不須憂國事閒雲千頃伴

漁樵

彈生洲者言其爲黨人
作書郵故篇中云云

廬居述懷并示生洲

倚廬人已到窮冬衰柳蕭蕭對遠松霜月林間
呼宿鳥寒熹窗外舞遊蜂終朝入定空三有半
偈長持破五宗今日送君宣妙諦毘耶有口一

九卦

乙丑除夜廬居

憶自經除夜從無此夕閑芟松吹石火植柳傍
溪灣人事旣蕭寂禽聲獨往還猛然發深痛頰
首自潛潛

即事

衡扉將下鞦晴麗正新春寂莫常思客將迎復
畏人珍禽喧午供嫩蔬綻芳辰自得幽棲伴荒

垆漫卜鄰

八月九日因過橫金謁繼明二兄宿石湖
僧房追憶二十一年前此日亦以謁二兄
宿此余是年持大母服時序人事巧與相
符亦大異矣感而賦之

人生如落葉轉眄即西東何意今宵宿驚心往
事同蕉園還夢鹿雪爪又驚鴻獨有樂樂色星
霜滿鬢中

中秋夜至風樹堂哭先太君

空林傷淅瀝此夜倍悽清鳥宿驚相喚虫唵咽
不成愁將雲共幕淚與霧雙縈更憶昨年事蓬
窻暮雨聲

贈寇禮亭郡侯考最二首

潁川芳譽滿東京何似吳儂頌禱聲酌水更憐
新漲綠焚香遙對午風清千家鴻鴈瞻依切百
沸蜩蟬指顧平帝念循良且徵拜可將冤肺

慰蒼生 其一

莫言直道盡除刪，衆口成碑過峴山。
愁說蒼鷹圖畫旆，喜瞻白鹿共隨轅。
扶筇競祝君侯壽，隔箔爭觀刺史顏。
更謝倚廬人臥穩，幸無風浪到松關。
其二

奉酬曾氏部大雲見懷之作

西風吹雨渡江干，忽報佳人寄蕙蘭。
此際開絨燒燭短，恍如縮地話更闌。
余憂蛇影魂猶攝，君

過羊腸路幾盤，他日故人高結綬。
簪冠蓬鬢不須彈

送寇禮亭使君奔喪歸秦隴二首

悽雲凍雨遍荒郊，酌酒江干薦白茅。
君以鳴鳩傷在棘

公遭繼母喪

余同春燕嘆無巢，祇將幽恨隨

風咽，更有驚魂似杵敲。
此際河梁須憶取，雙雙

瓊玖掛林梢 其一

自憐美蔭護芳叢，轉爲棠陰惜召公。
誰令海天

寬竭澤不教林木並傷弓。冰壺秋暎家家月。玉
瑄春來樹樹風。感得吳儂血淚染麻衣。如雪絳
紗籠。其二

歲暮得張子襄民部見懷之作用酬二首
年來縈緒苦如絲。鷄骨於今強自支。風鶴屢從
空外響。海鷗驚向水邊移。文章荒楚迷殘卷。音
問蕭疎冷故知。此際欵扉誰寄訊。多君能賦四
愁詩。其一

憑陵朔氣滿江東。灌木悲號衆壑中。自有寒芒
搖碧落。獨憐荒寂傍幽宮。窗前凍蕊遲明月。隴
外傳書度曉風。相訂歲寒莫相負。年年白雪寄
詩筒。其二

丙寅廬居度歲

幽居不作往來緣。忽見梅椒憶隔年。潤砌已開
芳草徑。凍雲猶護雪花天。獨留文債難燒筆。欲
掃前塵祇坐禪。寂寂小窗煨宿火。蕭然一榻對

僧眠

申中丞敬中慰存荒廬有見懷之作倚韻
奉賡并以爲謝

敢言攀栢淚全枯
愁聽枝頭宿夜烏
夢裏音聲醒漸杳
燈前恍惚書看無
飄零萊綵成黃葉
寂寞潘輿長綠蕪
土室不知殘雪厚
傷心莫問歲

云徂

其一

白雲飛去帶殘霞
疑是宣文坐絳紗
閉戶傳經

春擁護挑燈畫字斗橫斜
嘗來茶蓼千迴苦
開到優曇一樹花
此日感君重慰訊
轉增深痛淚

如麻

其二

咏楊妃山茶二首

沉香亭畔倩人扶
欲解微醒喚酪奴
不是花神偷姓字
看來顏色世間無

其一

最憐紅玉映冰肌
此是湯泉浴罷時
千載畫圖傳不得
曉來拈出在花枝

其二

送蒼雪上人還滇中

錫飛欲向點蒼西
咫尺祇林路不迷
稽首山中老伽葉
數聲清磬夕陽低

芟庭中秋色

芳蘭當戶也應刪
蔓艸何堪共小山
若說秋容宜淡掃
相邀明月護松關

籬間梅花半放風
雨連朝迎寒復阻
詩以惱之

欲吐還嬌澁遲迴
耐薄寒淡勻粧欲洗
幽咽淚私彈骨與秋
山淨香同曉霧團
天公真解事莫作
妬花看

看雪中梅花賦得四首

韶華一度一相逢
幾見梅花盛雪中
碎玉轉將琪樹遶
飛英還向白雲叢
合成百疊香光界
幻出雙林水月宮
欲攬清輝深照夜
高烧銀燭碧

紗籠

其一

隔歲辭家尚未歸。若爲留滯苦牽衣。宵來窗外
紛敲玉。曉起堦前亂走璣。遂與花神添氣象。似
憐幽客鬪芳菲。呼童却掃茅簷下。獨坐焚香自
掩扉。其二

高僧晏坐意悠然。雪色花香不寄緣。笑我清狂
時帶癖。祇餘幽性可參禪。曉來喚醒羅浮夢。興
盡還歸剡曲船。了達元明任遊戲。豈宜常住四

空天。

時雪崖禪師入定
于風樹堂
其三

同人遲我虎山橋。報道梅花已破椒。祇愛吾廬
寒蕊吐。豈知天外凍雲飄。光搖萬頃連銀漢。望
入千林長玉條。笠澤風煙共香絮。一齊封寄草

團瓢

其四

同雪崖上人邵僧彌賦梅花分得十三元
七陽皆限險韻

靜與花俱杳。沾衣祇自捫簷垂。雲影亂。杯照月
華吞。鮫帳留香霧。霓裳斷粉痕。扶筇古高士。猶

借麗人暄 其一

怪底春來雪。枝頭未蕩颺。倚欄風細細。隔幔月
荒荒。弱絮沾香醉。幽蘭借露穠。破瓜先衆卉。領
袖拜尊嫜 其二

留題包山寺

古寺依深麓。青林護翠微。雲封千嶂合。月射四
山暉。竹掃蒼苔逕。禪開白板扉。窈然不知處。身
在太湖磯

宿華山寺讀王文恪文待詔題名有感

洞庭諸寺之景華。山最勝。遊者至暮而
不能歸也。正德四年十二月五日。柱國
少傅王鏊題

嘉靖癸卯二月八日徵明同諸客遊華

山寺。汎平湖。沿支港而入。長松夾道。萬
杏吹香。恍然如涉異境。時寺雖劫廢。勝
槩具存。相與讀故碑。漱三泉。不覺日暮

遂留宿寺中客自城中來者湯珍張瓚
王曰都陸師道王延昭山中客蔡範陸
栩陸鵠勞珊蔣球玉僧大銓
選勝吳中第一山累年幽約到今還更披往哲
留題處杖屨風流尚可攀

題長壽寺修已房

寺破山逾古蒼涼樹有無薜蘿牽梵宇苔砌影
跏趺丈室藏丘壑連雲入畫圖晴窗無別供經

卷博山爐

宿天衣禪院二首

一入招提淨悠然似樂邦遙青爭獻岫亂紫欲
啣窗落葉辭香徑歸雲擁法幢遠公重結社此
地定無雙

其一

秋林疑錯繡春水想潺湲入瀨敲青玉穿林潤
綠天小橋人影亂深澗佛燈圓洗耳他年約飛
流到枕邊

其二

遊王尚璽遜志東園

深林收野色。隔柳見樵蘇。樹杪通雲棧。花堤繞鏡湖。綠天陰洞壑。紅雨散平蕪。坐久渾迷徑。相看盡在圖。其一

管聞裴晉國。讀易午橋莊。竹引蓀枝碧。松圍古幹蒼。閒情耽秀野。極目敞虛皇。一片花裊下。它年待醉鄉。時芍藥將開。余以斷飲。姑俟重遊。其二

遊王長公慶長貴園

名園高品置。舊說弇山堂。欲肖真丘壑。不妨互改張。柳陰藏曲室。花影靚芳塘。吟咏何關趣。應知有別腸。其一

我有孤山癖。繁英已過時。紫雲藤蔓架。白雪繡毬枝。春與花駘蕩。石將竹護持。此君宜問訊。還許辟疆知。其二

陳古白往尉氏短律奉贈兼示感懷

三年一度送征鞍。不獨離憂淚未乾。蕉鹿夢迴

驚土室啼鳥聲徹聽陽關。餘生老去枯禪客。彩
筆新看著作壇。此際臨邛先負弩。莫從楊意慶
彈冠。

送李孝廉長以北上

余以乙丑關中失君
乃遠來問業于余媿

可知也

自笑空迷古戰場。媿君千里負奚囊。懷珠已感
鮫人泣。攻玉何須匠石方。暫向吳門占匹練。佇
看燕市驟飛黃。彈冠祇爲頻搔首。何日彭宣到

後堂

送王大美侍御還朝

繡斧遙聞出帝都。已知福曜在三吳。啼鳥月
落憑高枕。唳鶴風驚倖脫弧。數卷圖書真柱史。
一封章奏效潛夫。采謠莫訴江南怨。宋玉哀音
未敢敷。其一

稜稜霜氣映花廳。象緯光搖執法中。植得梓材
張楚地。捲來神霧濕吳宮。鳥依蓮座雲爲羃。燕

借華堂錦作叢。惆悵使車麟漸遠。可容憔悴避
墻東。其二

送謝嘉定象山入覲

練水瀰瀰婁水東。喜看九里潤吳中。巧將玉尺
裁明錦。閑把冰心托爨桐。四野薰風翻麥浪。一
簾清露濕花宮。驅車入告。新天子爲道江南
軸已空。

春夜信宿崑良宋君山莊秋來再過投贈

一首是歲值添籌之慶又聞老蚌生珠然
余不敢效俚語頌禱聊識其高情耳

卜得郊原五畝宮。芳蘭爲畹玉爲叢。晴窗山半
孤烟白。遠寺鐘殘。落照紅。欲賦梅花傳嶺北。不
關隣女避墻東。皆宋家事 清秋此日開三徑。回首春
遊類轉蓬。



